

Fundamento di club Watapana

Dia Domingo mainta na cas di Sr. Mario S. Arends, tabata tin un gran reunion, locual a resulta cu tantamento di un club nobo. E club ta tin nomer di „Club Watapana”.

Intencion di es club aki ta pa dena su miembronan diberticion, y tambe progresa deporte di su miembronan. E lo trata di hasi esaki door di Organiza bailia, pasamento di pelicula, lanta un biblioteca tur clase di deporte y tur otro medio nan cu ta permiti.

E sociedad aki lo queda estableci den edificio grandi di Sr. Mario S. Arends, na Wilhelminastraat. Mas cu 35 hende a scirbi nan mes como miembro caba, y e siguiente bestuur a worde eligi: Max (Lucky Strike) Arends, presidente, Gilberto Toppenberg, segundo presidente, Rome secretario, Jos van der Schoot (N.E.N.) di dos secretario a Federico (di La Perla) Osorio, y tesorero ta Isberio (di douane) Peneyten.

Durante di e reunion nan a eligi un number. Number favorito-nan tabata: Lagoenclub, Club Watapana y Bella Vista, ultimo ta escoge „Watapana” cu ta e echte number Arubano.

Di e club aki, cu tin hopi plano

grandi, tur hende cu ta biba na Aruba y cu ta mayor di edad (mas cu 18 anja) por bira miembro. Nos ta desea Club Watapana hopi succes, y pa un lugar di diberticion pa nos Isla e lo ta un gran ganashi.